



第一四九〇册

四庫全書

●上海古籍出版社

本冊目次

絕妙好詞箋
樂府補題
花草粹編

宋周密編
清查為仁箋
宋陳恕可輯
明陳耀文編

一一三

欽定四庫全書

集部
絕妙好詞箋卷一

詳校官中書_臣張姚成
侍讀_臣孫球覆勘

總校官檢討_臣何思鈞
校對官中書_臣高 中
謄錄監生_臣黃春暉

欽定四庫全書

集部十

絕妙好詞箋

詞曲類二 詞選之屬

提要

_臣等謹案絕妙好詞箋七卷絕妙好詞宋周
密編其箋則

欽定四庫全書

絕妙好詞箋
提要

國朝查為仁鴈鶚所同撰也密所編南宋歌詞
始于張孝祥終于仇遠凡一百三十二家去
取謹嚴猶在曾慥樂府雅詞黃昇花巷詞選
之上又宋人詞集今多不傳併作者姓名亦
不盡見于世零璣碎玉皆賴此以存于詞選
中最高善本初為仁採摭諸書以為之箋各
詳其里居出處或因詞而考証其本事或因
人而附載其佚聞以及諸家評論之語與其
人之名篇秀句不見于此集者咸附錄之會
鶚亦方箋此集尚未脫稿適遊天津見為仁
所箋遂舉以付之刪復補漏合為一書今簡

端並題二人之名不沒其助成之力也所箋多泛濫旁涉不盡切于本詞未免有嗜博之弊然宋詞多不標題讀者每不詳其事如陸淞之瑞鶴仙韓元吉之水龍吟辛棄疾之祝英臺近尹煥之唐多令楊恢之二郎神非參以他書得其源委有不解為何語者其疏通證明之功亦有不可泯者矣密有癸辛櫟識諸書櫟有遺史拾遺諸書皆別著錄為仁字

心較號蓮坡宛平人康熙辛卯舉人是集成

于乾隆己巳刻于庚午鶚序稱其尚有詩餘

紀事如千卷今未之見殆未成書歟乾隆四

十六年四月恭校上

總纂官臣紀昀臣陸錫熊臣孫士毅

總校官臣陸費瑔

絕妙好詞箋序

絕妙好詞七卷南宋弁陽老人周密公謹所輯宋人選本朝詞如曾端伯學府雅詞黃叔暘花菴詞選皆讓其精粹蓋詞家之準的也所采多紹興迄德祐間人自二三鉅公外姓字多不著夫士生隱約不得樹立功業炳煥天壤僅以詞章垂稱後世而姓字猶在若滅若沒間無人為從故紙堆中抉剔出之豈非一大恨事耶津門查君蓮坡研精風雅耽玩倚聲披閱之暇隨筆劄記輯有詩餘紀事如千卷于是編尤所留意特為之箋不獨諸人里居出處十得八九而詞中之本事詞外之佚事以及名篇秀句零珠碎金擗拾無遺俾讀者展卷時恍然如聆其笑語而共其游歷也予與蓮坡有同好向嘗綴拾一二每自矜初獲會以衣食奔走不克卒業及來津門見蓮坡所輯頗有望洋之歎并舉以付之次第增入焉譬諸掇遺材以裨建章投片瓊以厠懸圃其為用不己微乎蓮坡通懷集益猶不忘所自必欲附賤名於

簡端解不得已因述其顛末如此云乾隆戊辰閏七夕前三日錢唐厲鶚書於津門之古春小茨

欽定四庫全書

絕妙好詞箋

二

欽定四庫全書

絕妙好詞箋卷一

宋周密原輯

宛平查為仁

錢塘厲鶚同箋

張孝祥

孝祥字安國號子湖烏江人紹興二十四年廷對第一授承事郎簽書鎮東軍判官累遷中書舍人直學士院兼督府參贊軍事領建康留守尋以荆南湖北路安撫使進顯謨閣直學士致仕有于湖集詞一卷

欽定四庫全書

絕妙好詞箋

湯衡序紫微詞云于湖平昔為詞未嘗著篆筆酣與健頃刻即成無一字無未處

念奴嬌過洞庭

洞庭青草近中秋更無一點風色玉界瓊田三萬頃著我扁舟一葉素月分輝明河共影表裏俱澄澈悠然心會妙處難與君說應念嶺表經年孤光自照肝膽皆冰雪短蓑蕭疎襟袖冷穩泛滄溟空濶盡吸西江細斟北斗萬象為賓客叩舷獨嘯不知今夕何夕

四朝聞見錄云張于湖嘗舟過洞庭月照龍堆金沙灘射公得意命酒唱歌所作詞呼羣吏而酌之

曰亦人子也其坦率皆類此
崔山魏了翁跋此詞其蹟云張子湖有英姿奇氣
著之湖湘間未為不遇洞庭所賦在集中最為傑
特方其吸江酌斗賓客萬象時詎知世間有紫微
青瑣

西江月

丹陽湖

問訊湖邊柳色重來又是三年春風吹我過湖船楊柳
絲絲拂面 世路如今已慣此心到處悠然寒光亭下
水連天飛起沙鷗一片

欽定四庫全書

入丹陽是也

卷一 北抄好詞彙

輿地紀勝云丹陽湖在當塗縣東南六十九里杜
預注云春秋宣城縣西南有桐水出白石山西北
按景定建康志載此詞云題溧陽三塔寺按志三
塔湖一名梁城湖在溧陽縣西七十里又云溧水
西承丹陽湖自東壩成丹陽湖水不復通本縣界
岳珂玉楮集亦云溧陽三塔寺寒光亭柱上刻張
于湖詞自當以建康志為據

清平樂

光塵撲撲宮柳低迷綠鬪鴨闌干春詠曲簾額微風繡
感 碧雲青翼無憑困來小倚雲屏楚夢不禁春晚黃

鷓鴣自聲聲

菩薩蠻

東風約畧吹羅幙一簾細雨春陰薄試把杏花看溼雲
嬌暮寒 佳人雙玉枕烘醉鴛鴦錦折得最繁枝暖香
生翠帷

雲一作紅

詞旨警白盡吸西江細對北斗萬象為賓客叩
獨笑不知今夕何夕 寒光亭下水連天飛

起沙鷗一片西風月 能改齊漫錄去年今日從駕遊西苑彩仗壓金

波看水戲魚龍曼衍寶津南殿宴坐近天顏金

盃酒君七勸頭上宮花顫六軍錦繡萬騎穿楊

箭日暮翠華歸擁旆鈞天笙歌一片如今關外十

里未歸人前山雨西樓晚望斷思君眼此陳濟

翁駕山溪也舍人張孝祥和潭州因宴客妓有

顧此至金盃酒君七勸頭上宮花顫其首自為

欽定四庫全書

卷一 北抄好詞彙

之搖動者數四坐客忍笑指目者甚眾而張竟

不覺也 癸辛雜識張于湖知京口王宣子代之多景樓

落成于湖為大書樓高公庫送銀二百兩為潤

筆于湖却之但需紅羅百匹於是紅羅百匹稿

酣于湖賦詞命妓合唱甚佳連以紅羅百匹稿

之吳 禮部別集詩話于湖玩鞭亭晉明帝親王敦

營壘處自溫庭筠賦詩後張文潛又賦于湖曲

以正湖陰之誤詞皆奇麗譽拔膾炙人口張安

國賦滿江紅云千古建康興亡事但悲陳迹歎

望眼吳波不動楚山雲碧已浪綠駭追風速武

昌雲旆連天赤笑老森遺興到如今留空壁連

書靜烽烟息通軺傳銷鋒鐔仰太平天子聖明

無敵處踏揚州開帝里渡江天馬龍為匹看東

南佳氣鬱蔥蔥停十億離間米溫張語而詞氣

亦不在其下嘗見安國大書此詞後題云乾道元年正月十日筆勢奇偉可變

于湖詞西江月十里輕紅白芙蓉山濃翠相映意行著脚到精廬借我繩床小住解飲不妨文字無心更狎鷗魚一聲長嘯暮烟孤袖手西湖歸去

范成大

成大字致能號石湖吳郡人紹興二十四年進士孝宗時累官權吏部尚書拜參知政事進資政殿學士提舉洞霄宮卒謚文穆有石湖集詞一卷

醉落魄

栖鳥飛絕絳河綠露星明滅燒香曳簾眠清樾花影吹

欽定四庫全書

卷一 妙詞選

笙滿地淡黃月好風碎竹聲如雪昭華三弄臨風咽

鬢絲撩亂綸巾折涼滿北窗休共軟紅說

朝中措

長年心事寄林扃塵鬢已星星芳意不如水遠歸心欲

與雲平留連一醉花殘日永雨後山明從此量船載

酒莫教閑却春情

眼兒嬌

酣酣日脚紫烟浮妍暖試輕裘困人天氣醉人花底午

夢扶頭春情恰似春塘水一片數紋愁溶溶淺洩東

風無力欲皺還休

憶秦娥

樓陰缺闌干影臥東廂月東廂月一天風露杏花如雪

隔烟催漏金虬咽羅幃暗淡燈花結燈花結片時春

夢江南天

霜天曉角

晚晴風歇一夜春威折脈脈花疎天淡雲來去數枝雪

欽定四庫全書

卷一 妙詞選

勝絕愁亦絕此情誰共說惟有兩行低鴈知人倚畫

樓月

詞音警句花影吹笙滿地淡黃月醉倚曉燈花結

片時春夢江南天湖憶舊城惟有兩行低鴈知人

倚畫樓月滿天曉角

劉克莊後村集詩話范石湖南柯子云振望梅

花驛凝情杜若洲香雲低處有高樓可惜高樓

不近木蘭舟絳素雙魚遠題紅片葉林欲憑江

水寄離愁江已東流那肯更西流

澄懷錄范石湖云淳熙己亥重九與客自閩門

汎舟徑橫塘宿霧一白垂垂欲雨至綠雲橋氣

鬱然照睛日滿空風聲聞美無不與人意會四

郭川燕霧積如綿垣田家婦子著新衣畧有節

物杜帆颿越來溪淪收涸澄如行玻璃地上菱

踏莎行

院落深沈池塘靜
簾鈎捲上梨花影
寶箏拍得鴈難尋
篆香消盡山空冷
釵鳳斜敧
鬢蟬不整
殘紅立褪
慵看鏡
杜鵑啼月一聲聲
等閒又是三春盡

欽定四庫全書

卷一百一十五

七

陸游

游字務觀山陰人
以蔭補登仕郎
隆興初賜進士出身
范成大帥蜀為參議官
以文字交不拘禮士
人識其類放自號放翁
嘉泰初詔同修國史
陸實章閣待制有劄而集詞二卷
劉潛夫云放翁稼軒一掃纖纖
不事穿鑿高則高矣
但時時掉書袋要是一癖

朝中措

梅

洪邁

邁字景盧號野處又號容齋
鄞陽人忠宣公皓子
紹興十五年登第
兄文惠述文安述皆中博學宏詞
科由是三洪名滿天下
累遷吏禮二部員外郎
尋遷煥章閣學士知紹興告老
以端明殿學士致仕
卒諡文敏有容齋五筆夷堅志
萬首唐人絕句野處類彙行于世

欽定四庫全書

卷一百一十五

六

石湖詞浪淘沙
點淡養花天
小而能慳
煙輕雲薄
有無間官柳
絲絲都綠
猶有春寒空翠
暈征鞍馬首
千山多情若是肯俱還
別有玉杯承露
冷留共君看
玉杯官舍中
牡丹絕品也
苦蔭蠻云
雪林一夜收寒了
東風壓向燈前
今夕是何年
新春新月圓
綺叢香霧隔
猶記疎狂客
留取鱗金橘
夜蛾相並看

卷一百一十五

六

卷一百一十五

七

幽姿不入少年場無語只淒涼一箇飄零身世十分冷淡心腸江頭月底新詩舊恨孤夢清香任是春風不管也曾先識東皇

烏夜啼

金鴨餘香尚暖綠窗斜日偏明蘭膏香染雲鬟膩釵墜滑無聲冷落鞦韆伴侶闌珊打馬心情繡屏驚斷滿湘夢花外一聲鶯

又

欽定四庫全書

魏妙斯詞集

紈扇嬋娟素月紗巾縹緲輕煙高槐葉長陰初合清潤雨餘天弄筆斜行小草釣簾淺醉閒眠更無一點塵埃到枕上聽新蟬

鶴林玉露陸務觀製師之孫有詩名恃酒類放因自號放翁作詞云橘如紅水如空一葉飄然煙雨中天數稱放翁晚年為韓平原作南園記除從官楊誠齋寄詩云君居東浙我江西鏡裏新添幾縷絲花落六回疎信息月明千里兩相思不應李杜翻鰓海更羨龍龜集風池道是樊川輕薄故猶將萬戶比千詩蓋切嘆之也然南園記唯勉以忠獻之事業無缺解晚年和平粹美有中原承平時氣象朱文公喜稱之書舊讀閒陸放翁官南昌日代還有贈別詞云

欽定四庫全書

魏妙斯詞集

松云十年裝馬錦江濱酒醒紅塵黃金選勝鶯花海倚珠狂驅使青春弄笛魚龍盡出題詩風月俱新自憐華髮滿紗巾猶是官身鳳樓曾回當時語問浮名何似身親欲寫吳牋說與這回真箇閒人前輩風流雅韻猶可想見也

陸

淞字子逸號雲溪山陰人者舊續聞云陸辰州子逸左承佃之孫晚以疾廢卜築於秀野越之佳山水也放傲世間不復有營念對客則終日清談不倦尤好語前輩事

瑞鶴仙

臉霞紅印枕睡覺來冠兒還是不整屏間麝煤冷但眉

峰歷翠淚珠彈粉堂深畫永燕交飛風簾露井恨無人
說與相思近日帶圍寬盡重省殘燈朱幌淡月紗窗
那時風景陽臺路迴雲雨夢便無準待歸來先指花梢
教看却把心期細問問因循過了青春怎生意穩

者舊續開云南渡初南班宗子寓居會稽為近屬
士園亭甲於浙東一時坐客皆駑人墨士陸子遠
嘗與馬士有侍姬盼盼者色藝殊絕公每屬意焉
一日宴客偶睡不預捧觴之列陸因問之士即呼
至其枕痕猶在臉公為賦瑞鶴仙有臉霞紅印枕
之句一時盛傳遂令為雅唱後盼盼亦歸陸氏
張叔夏云景中
帶情屏去浮豔

欽定四庫全書

絕妙好詞集

十

韓元吉

元吉字无咎號南圃許昌人門下侍郎維四世孫
東萊先生呂伯恭之外舅也官至吏部尚書有焦
尾集詞一卷子
流仲止有詩名

水龍吟

雨餘疊嶂浮空望中秀色仙都是洞天未鎖人間春老
玉妃曾墜錦瑟繁絃鳳蕭清響九霄歌吹問分香舊事
劉郎去後知誰伴風前醉回首暝煙千里但紛紛落
紅如洗多情易老青鸞何許詩成誰寄斗轉參橫半簾

花影一溪寒水悵飛鳬路香行雲夢遠有三峰翠

者舊續開云凡聖中緇雲分開封李長卿女慧性
過人姿度不凡聖疾遊蹟於之仙巖寺三峰閣
李公罷因昇歸宜和庚子青溪冠起焚燼無遺惟
三峰閣獨存主簿以為廟舍濟南王傳慶及內表
曹穎偕來館曹于嚴治之東一夕有女子打扇而
至與語皆出塵語其姓火一閑封李長卿女李
某其名英華其字辟殺有年身輕於羽知子歸居
故來相慰唱和殆無虛日曾有親陳觀察挽之從
軍將就道英華與訣曰妾與君之緣斷矣子宿緣
寡淺塵蒙未償他日當有兵難收投靈者一辦有
急請燕以告當陰有所護不然亦無如之何也曹
公勇為朔方之行不意獲譴麾下追惟英華之言
欲取所遺者燕之軍行無宿火卒正法英華詩有
云醒酒清風搖竹去催詩小雨過山來非詩人所
易到也

欽定四庫全書

絕妙好詞集

十

文獻通考云英華集三卷李季萼為鬼仙縉雲人
傳其詩亦怪矣
墨莊漫錄云處州縉雲薄廬為武尉司頃有一婦
人常現形與人接妍麗閒婉有珠色其來也異香
芬馥非世間之香自稱曰英華或曰縉雲前接官
此者多為所惑求嘉蔣輝遠為邑簿祠以香火其
怪逆絕

好事近

汴京
賜宴

凝碧舊池頭一聽管絃淒淒多少梨園聲在總不堪華
髮杏花無處避春愁也傍野花發惟有御溝聲斷似
知人嗚咽

金史文聘表云大定十三年三月癸巳朔宋遣試
禮部尚書韓元吉利州觀察使鄭興裔等賀萬春
節按宋孝宗乾道九年為金世宗大定十三年南
潤汴京賜宴之詞當是此時作

姚寬

寬字令威號西溪會稽諸志姚寬陳人以父舜明
任補官權尚書戶部員外郎樞密院編修官詞章
之外頗工篆隸及工伎之事請用韓世忠舊法以
意增損為三弓合輝弩詔許之既成矢激二里所
中皆沒羽又嘗論大駕由簿指南車得古不傳之
法所著有西溪集十卷注司馬遷史記一百三十
卷西溪叢語一卷玉璽書一卷葉水心跋西溪集
云公著書二百卷古今同異無不囊括惜其盛年
不預來錄晚始召對
殿中忽感風眩而死

欽定四庫全書

姚寬詞集

十三

菩薩蠻

斜陽山下明金碧畫樓返照融春色睡起揭簾旌玉人
蟬鬢輕無言空佇立花落東風急燕子引愁來眉愁
那得開

生查子

郎如陌上塵妾似堤邊樹一作相見兩悠悠揚蹤跡無尋
處酒面撲春風淚眼零秋雨過了別離時還解相思

否

吳珞

珞字居父號雲壑汴人憲聖太后之姪太寧郡王
益之子居尚書郎部使者直學士慶元間以鎮安
節度使留守建康遷少
保卒諡忠惠有雲壑集

柳梢青

元日

綵仗鞭春椒盤迎旦斗柄回富拂面東風雖然料峭終
是寒輕帶花折柳心情怎捱得元宵放燈不是東園有
些殘雪先去踏青

浪淘沙

欽定四庫全書

姚寬詞集

十三

雲葉弄輕陰屋角鴉鳴青梅著子欲生仁冷落江天寒
食雨花事闌情池館畫盈盈人耐寒輕一川芳草只
銷凝時有入簾新燕子明日清明

又

岸柳可藏鴉路轉溪斜忘機鷗鷺立汀沙咫尺鐘山迷
望眼一半雲遮臨水整烏紗兩鬢蒼華故鄉心事在
天涯幾日不來春便老開盡桃花

景定建康志引此詞題云游青溪呈馬野亭野亭
跋其後云秦淮海之詞獨擅一時字未闕米寶晉

善詩然終不及字若公可謂兼之矣辛酉季春承
議郎充江南東路轉運司主管文字馬之純謹書
武林舊事淳熙九年八月十八日駕詣德壽宮
奉迎上皇觀潮百戲橫弄各呈技藝上皇喜曰
錢唐形勝天下所無上起泰一江潮亦天下所
獨宜諸侍臣各賦詩江月一闕至晚呈上以吳
語為第一其詞曰玉虹遙挂望青小隱隱恍如
一抹忽覺天風吹海立好似春雲初發白馬凌
空瓊龍駕水日夜朝天闕飛龍舞鳳勢萬拱
吳越此景天下應無東南形勝偉觀真奇絕好
是吳兒飛絲幘蹴起一江秋雪黃屋天臨月犀
雲擁看聲中流旂晚來波靜海門飛上明月兩
至月上始還

辛棄疾

欽定四庫全書

魏妙好詞家

五

棄疾字幼安號稼軒歷城人耿京聚兵山東節制
忠義軍馬留守書記奉表來歸高宗召見授承務
郎差簽判江陰累官浙東安撫加龍圖閣待制權
密院都承旨德祐初以謝枋得請贈少師謚忠敏
有稼軒長短
句十二卷

劉後村云公所作大聲鏗豁小聲鏗鏘橫絕六合
掃空萬古其襟懷綿密者亦不在小晏秦郎之下

摸魚兒

更能消幾番風雨
息春又歸去惜春長怕花開早何
況落紅無數春且住見說道天涯芳草無歸路怨春不
語算只有殷勤畫簷蛛網盡日惹飛絮長門事準擬

佳期又誤蛾眉曾有人妬千金縱買相如賦脈脈此情誰
訴君莫舞君不見玉環飛燕皆塵土閒愁最苦休去倚
危欄斜陽正在烟柳斷腸處

鵲林玉露云辛幼安晚春摸魚兒詞意殊怨斜陽
烟柳之句比之未須愁日暮天際是輕陰者異矣
使在漢唐時寧不買豆粒種桃之禍哉愚聞壽皇
見此詞頗不悅然終不加罪可謂盛德也已

瑞鶴仙

梅

雁霜寒透幙正謾月雲輕嫩冰猶薄溪奩照梳掠想含
香弄粉靚妝難學玉肌瘦弱更重重龍綃襯著倚東風

欽定四庫全書

魏妙好詞家

五

一笑嫣然轉盼萬花羞落寂寞家山何在雪後園林
水邊樓閣瑤池舊約鱗鴻更仗誰託粉蝶兒只解尋花
寬柳開徧南枝未覺但傷心冷淡黃昏數聲畫角

祝英臺近

寶釵分桃葉渡煙柳暗南浦怕上層樓十日九風雨斷
腸點點飛紅都無人管倩誰勸啼鶯聲住簷邊覩應
把花卜歸期纔簪又重數羅帳燈昏啞咽夢中語是他
春帶愁來春歸何處却不解帶將愁去

貴耳集云呂婆呂正己之妻正己為京畿漕有女
事幸幼安因以微事觸其怒竟逐之今稼軒桃葉
渡詞因此而作

詞音響句應犯花卜歸期幾落又重數祝英臺道
是他春帶愁來春歸何處却不解帶將愁去同上

歸潛志完懷英卒棄疾少同舍屬金國初亂辛
率數千騎南渡順于宋党在比羅第八翰林二

公皆有榮寵後辛退閑有鶴鵲天云壯歲旌旗
擁萬天錦鶴安騎渡江初燕兵夜捉銀胡象漢

箭朝飛金僕姑思往事歎金吾春風不染白髭
鬚朝將萬字平戎策換得東郊柳樹青

清波別志稼軒在上饒屬其室病呼醫對脈吹
笛婢名整整者侍側乃指以謂醫曰老妻病安

以此人為贈不數日果勿藥乃踐前約整整去
因口占好事近云醫者索酬勞那得許多錢帛

只有一箇整整也合盤盛得下官歌舞轉淒涼
十六

賸得幾枝笛觀者者般火色告媽媽將息一時
戲謔風調不羣

太平清話鉛山縣南二里許有稼軒書院分水
嶺下厥墓在高張壁古山樂府水龍吟醉半稼

軒墓云嶺頭一片青山可能埋沒淩雲氣避方
異域當年滴盡英雄清淚星斗撐腸雲煙盡紙

縱橫遊戲漫人間留得陽春白雪千載下無人
繼不見戰門華第見蕭蕭竹枯松悴問誰料理

劉過

過字改之號龍洲道人太和人自龍洲集詞一

也貴取賜云改之稼軒之客詞多壯語蓋學稼軒者

陶九成云改之造
詞勝遠有思致

賀新郎

老去相如倦向文君說似而今怎生消遣衣袂京塵曾

染處空有香紅尚軟料彼此魂銷腸斷枕新涼眠客

舍聽梧桐疎雨秋聲顫燈暈冷記初見樓低不放珠

簾捲晚妝殘翠鈿狼籍淚痕凝臉人道愁來須殢酒無

奈愁多酒淺但託意焦琴絃扇莫鼓琵琶江上曲怕荻

花楓葉俱悵怨雲萬疊寸心遠

欽定四庫全書

卷一 好詞家

七

龍洲詞題云去年秋余試牒四明賦贈老娼至今
天下與葉中皆歌之江西人來以為鄧南秀詞非

唐多令

蘆葉滿汀洲寒沙帶淺流二十年重到南樓柳下繫船

猶未穩能幾日又中秋黃鸝斷磯頭故人今在否舊

江山總是新愁欲買桂花重載酒終不似少年遊

龍洲詞題云安遠樓小集有鶴歌板之姬黃其姓
者乞詞於龍洲洲為賦此唐多令同柳阜之劉

去非石民瞻周嘉仲陳孟參孟容時八月五日也
花卷詞選題云重過武昌

醉太平

情高意真眉長鬢青小樓明月調第寫春風數聲

君憶君魂牽夢縈翠銷香暖雲屏更那堪酒醒

詞旨警句翠銷香暖雲屏更那堪酒醒

欽定四庫全書

卷一

文

賢游固可脫視稼軒視林白之清致則東坡所謂淡妝濃抹已不足道稼軒富貴馬能說我我江湖起聞劉改之以性疎豪好施辛稼軒客之稼軒與稼之微服登侶樓適一都吏命樂飲酒不為稼改之微服登侶樓適一都吏命樂飲酒不其產而流之言者數十皆不能解遂以五千緡為改之母壽請言于稼軒稼軒曰未也今倍之都吏如數增作葛繩稼軒為買舟于岸舉萬緡于舟中曰可即行無如常日輕許也改之作念奴嬌為別云知音者少算乾坤許大著身何處直待功成方肯退何日可尋歸路多景樓前垂虹亭下一枕眠秋風虛名相誤十年狂費辛苦不是奏賦明光上書塵土白壁堆前黃金買笑忙天不肯贏得衣裾塵土白壁堆前黃金買笑

謝懋

懋字勉仲有辭寄居士樂章二卷

黃叔賜云居士樂章吳坦伯明為序稱其片言隻字要玉敲金蘊藉風流為世所賞

欽定四庫全書

卷一

十九

蕩山溪

厭厭睡起無限春情緒柳色借輕煙尚瘦怯東風倦舞海棠紅皺不奈晚來寒簾半捲日西沈寂寞閒庭戶飛雲無據化作溼濛雨愁裏見春來又只恐愁催春去惜花人老芳草夢尋迷題欲徧瑣窗紗總是傷春句

風入松

老年常憶少年狂宿粉樓香自憐獨得東君意有三年窺宋東牆笑舞落花紅影醉眠芳草斜陽事隨春夢

去悠揚休去思量近來眼底無姚魏有誰更管領年芳
換得河陽衰鬢一簾煙雨梅黃

浪淘沙

黃道雨初乾霽露空蟠東風楊柳碧珍珍燕子不歸花
有恨小院春寒倦客亦何堪塵滿征衫明朝野水幾
重山歸夢已隨芳草綠先到江南

霜天曉角

桂花

綠雲剪葉低護黃金屑占斷花中聲譽香和韻兩清潔
欽定四庫全書

卷一 絕妙好詞集

五

階月

詞旨警句燕子不歸花
有恨小院春寒冰洶沙

章良能

良能字達之麗水人淳熙五年進士除著作佐郎
嘉泰元年為起居舍人寧宗朝居兩制登政地鑑
文莊有嘉
林集百卷

小重山

柳暗花明春事深小闌紅芍藥已抽簪雨餘風軟碎鳴

禽遲遲日猶帶一分陰往事莫沈吟身閒時序好且
登臨舊游無處不堪尋無尋處惟有少年心

齊東野語外大父文莊章公自少好雅潔性滑稽
居一室必汎埽巧飾陳列琴書親朋或識其趣
無遠志一日大書素屏云陳蕃不事一室而欲
除天下吾知其無能為矣識者知其不凡間作小
詞極有思致先姚能口
誦數首小重山云云

陳亮

亮字同甫號龍川永康人隆興初以解頭薦上中
興五論不報居太學上舍紹興四年光宗親策進
士擢為第一授建康軍簽判未至官病一夕而卒
端平初謚文毅有龍川集詞二卷

欽定四庫全書

卷一 絕妙好詞集

五

水龍吟

葉水心云同甫長短句四卷每一章成輒自歎曰
平生經濟之懷畧已陳矣予所謂微言多此類也
開花深處層樓畫簾半捲東風軟春歸翠陌平莎茸嫩
垂楊金淺遲日催花淡雲閣雨輕寒輕暖恨芳菲世界
游人未賞都付與鶯和燕寂寞憑高念遠向南樓一
聲歸雁金釵鬪草青絲勒馬風流雲散羅綬分香翠綃
封淚幾多幽怨正銷魂又是疎煙淡月子規聲斷

詞旨屬對羅綃分香翠綃封淚
龍川詞好事近咏梅云約礪三兩枝點破寒煙

蒼碧好在屋簷斜處傍玉奴吹笛月華如水過
林塘花影弄苔石欲向夢中飛蛺蝶幽香難覓

真德秀

德秀字希元浦城人慶元五年進士授南劍州判
官權試中博學宏詞科為太學正給定中召為禮
部侍郎升參知政事進資政殿直學士提舉萬壽
觀卒謚文忠學者稱西山先生有真文忠公集五
十四卷

蝶戀花

紅梅

兩岸月橋花半吐紅透肌香暗把遊人誤盡道武陵溪
上路不知迷入江南去 先自冰霜真態度何事枝頭

欽定四庫全書

卷一 詩餘詞集

三

點點胭脂汗算是東君嫌淡素問花花又嬌無語

劉光祖

光祖字德修號後鰲簡池人登進士第慶元初官
侍御史改司農少卿遷起居郎終顯謨閣直學士
提舉萬壽山崇福宮
卒有鶴林詞一卷

洞仙歌

荷

晚風收暑小池塘荷靜獨倚胡牀酒初醒起徘徊時有
香氣吹來雲藻亂葉底游魚動影 空擎承露蓋不見
冰容惆悵明妝曉鸞鏡後夜月涼時月淡花低幽夢覺

欲憑誰省也應記臨流凭闌干便遙想江南紅酣千頃

鶴林詞踏莎行掃徑花零闌門春晚恨長無奈
東風短起來消息探茶蘼雪條玉蕊都開猶晚
月魂清夕陽者遠故山別後誰拘管多情於此
更情多一枝顰罷還重撫
觀了翁鶴山集劉左史光祖之生正月十日李
觀之人生以十九日賦浪淘沙寄之鶴外倚樓
看雲飛晴天天高難大礙雲闌掉臂雙仙留不
徹還住人間客佩振珊珊來賀平安年年直待
卷燈還似是天公
偏著意占破春閒

蔡桷

桷字聖老南城人宣和以前人沒於乾道庚寅曾
公卷呂居仁輩皆與之倡和有雲壑隱居集三卷

欽定四庫全書

卷一 詩餘詞集

三

詞有浩歌集一卷趙希弁讀
書附志云嘗為宜春別駕

鵲鵲天

病酒厭厭與睡宜珠簾羅幙捲銀泥風來綠樹花含笑
恨入西樓月斂眉 驚瘦盡恁歸遲休將桐葉更題詩
不知橋下無情水流到天涯是幾時

洪咨夔

咨夔字舜俞號平齋於潛人嘉定二年進士累官
刑部尚書翰林學士知制誥加端明殿學士提舉
萬壽觀端平三年卒謚
忠文有平齋集詞一卷